



7. april 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit fosfor atorlugu naasorissaatissiami urani pillugu**

**1. Kalaallit Nunaanni fosfor atorlugu naasorissaatissiat atorneqarpat aamma taamaassimappat qanoq annertutigisoq atorneqartarpa?**

**2. Taamaassimappat taava fosfor atorlugu naasorissaatissiaq naasorissaasut atortagaat qanoq annertutigisumik uranimik akoqarpa?**

**3. Ilisimaneqarpat, taava urani qanoq annertutigisoq narsaatinut siammarterneqartarpa fosfori atorlugu naasorissaatissianut ilanngullugu?**

(Inatsisartunut ilaasortaq Michael Rosing, Demokraatit)

**Tungavilersuut:**

Aaatsitassat uranitallit qallorneqanngilluinnarnissaat pillugu oqallinnermut atatillugu aamma 2016-mi Upernaakkut Inatsisartut ataatsimiinneranni imm. 99-p aatsitassat uranitallit toqqortarnissaannik imallip oqallisigineranut atatillugu naasorissaasut namminneq narsaatiminnut uranimik siammarterisarnersut taamaassimappallu qanoq annertutigisoq siammarterneqartarnerseq paasissallugu soqutiginassaaq.

Ilaatigut ajornartorsiut pillugu aviisimi allaaserisaq una innersuussutigisinnaavara

<http://www.ressourcegenanvendelse.dk/Nyheder.11097/Uran-i-fosforg%C3%B8dninger.637.aspx>

Apeqqutit akeqquneqarput ullut suliffiit naliginnaasut qulit iluanni.